

## GENERAL SECRETARY REPORT.

Mizoram Baptist Kohhran member zawng zawng leh Assembly 2014 Palaite Kohhran neitu kan Lalpa Isua Krista hmingin chibai ka buk a che u. Kum 2014 hi kan Kohhran tan kum chhinchhiah tlak tak niin ka hria. BCM rorelna sang ber Assembly (Presbytery) chu kum 1914 khan Theirat-ah neih a ni a, kumin hi Assembly kum 100-na (Centenary) a ni a. Mizoram Baptist Kohhran pian chhuahna bul atanga chhut chuan (1894-2014) a kum 120-na a ni tawh a. Tin, BCM-in hnam dang mite hnena Mission lama hma kan lak tanna atang chuan (1939-2014) a kum 75-na (Platinum) a ni bawk. Kum bi kim nalh tak a va ni em! Assembly-ah hian kum khat chhunga Kohhran dinhmun leh rawngbawlina report thin a ni a. Kan dinhmun leh thiltih zawng zawng ziak sen a ni lova, Palaite hriat atana tul leh pawimawh chin ka report dawn a ni.

### A. Assembly Thu rel bawhzuina:

1. **Hruaitu Thar charge inhlanna:** Kumin hi kan inthlanpui kum a nih avangin Hruaitute engemaw zat tih danglam an ni a, AGS Service leh Head of Departments –charge inhlanturte chuan 12 April.2013 khan BCM Hqrs Office-ah charge inhlanturte fel a ni.
2. **Mizoram Baptist Federation:** MBF kalphung tur a duan (draft) chu Assembly-a pharh niin kan pawm a. He draft hi constituent memberte theuhin an ngaihtuah hnuah 23<sup>rd</sup> Aug 2013 Friday khan meeting koh a ni a. Chutah chuan Office Bearers leh Executive committee memberte thlan an ni. Hengte hi an ni.

#### Office Beraers-te:-

1. Chairman	-	Rev. H. Lianggaia	BCM
2. Chairman Elect	-	Rev. Dr. Raltawnga	BCM
3. Secretary	-	Rev. Dr. L.H. Lalpekhlua	LIKBK
4. Asst. Secretary	-	Rev. AZ. Beirakhaw	CCI(M)
5. Treasurer	-	Rev. TC. Lalsanghmuna	LIKBK
6. Fin. Secretary	-	Upa L. Laizika	EBC

#### Executive Committee memberte:-

1)	Upa Gin Za Go	(ZBC)
2)	Upa H. Thangpau	(ZBC)
3)	Rev. M. Zaliana Ginte	(EBC)
4)	Upa Vungmanga	(EBC)
5)	Upa L. Zathang	(LIKBK)
6)	Upa H. Vanggaia	(LIKBK)
7)	Rev. F. Sangvela	(BCM)
8)	Rev. R. Zohmingliana	(BCM)
9)	Upa R. Rozika	(BCM)

1. **Palaina:** Assembly leh Committee-in a ruat angin 2013-2014 chhunga BCM aiawha palaina hmun hrang hrangah hetiang hian kan kal:-

S/no	Palaina	Palaite Hming	A Hun.
1.	IKK Blp(Ng)	Rev. Lalbiaksanga Chinzah Upa K. Vanlalkunga	15-17.March.2013
2	TBCU	Rev H Lianggaia Upa C. Lalremsiama Upa F. Lalawia	26-28.April.2013
3	NEICC	Rev. Samuel Lalremsanga	8-9.May.2013

	2 Days Seminer	Pi P.S. Lalhmingthangi	
		Upa K. Zathuama	
		P.Pastor B. Rosangzuala	
		Pastor V. Lalthlamuana	
		Pu T. Lalhlmpuia	
		Pi V. Biaklawmi	
		Pi R. Zosangi	
		Rev.C. Ngurhnema	NEICC Execom
4	CMC Vellore	Rev. Lalbiaksanga Chinzah	27-29.June.2013 &
		Upa Dr B. Laldinliana	30-31.Jan.2014
5	UTC Bangalore	Rev.C. Ngurhnema	8-9.Aug.2013
6	UBS Pune	Rev Dr Raltawnga	9-10.Aug.2013
7	BCTA Delhi	Rev F Sangvela	20.Aug.2013
		Rev H. Lianggaia	
		Pu Victor Lalrinawma	
8	Seramp' Council	Rev.H. Lianggaia	22.Nov.2013
9	NCCI Centenay	Rev.F. Sangvela	2-4.Feb.2014
	Kolkata	Rev.C. Ngurhnema	

4. **Pastor Bial Thar:** Ni 4.May.2013 Inrinni khan Saiha West leh Leite Pastor Bial thar hawn a ni a. Saiha Bial hi Rev.F. Sangvela, President leh Rev P.C. Liandula, Gen Manager, BLP ten an hawng a, Leite Bial hi Rev.Lalbiaksanga AGS Service leh Rev.R. Zohmingliana, Pastoral Co-ordinator ten an hawng a ni. Tin, 1<sup>st</sup>.Febuary. 2014 khan Tuiphai Pastor Bial chu Rev.H. Lianggaia, General Secretary-in a hawng a. Rev.R. Zohmingliana, Pastoral Co-ordinator leh Rev. P.C. Liandula, General Manager, BLP leh Hnahthial ABC Puipa thenkhat ten an hmanpui bawk. Zopui ABC erawhchu a Area lam Kohhran/Bial remchan lohna avangin hawn a la ni lo.
5. **Identity Card:** Pastorte leh Missionary-te tan ID siam nise tia rel chu buatsaih fel vek tawh a ni a, Rs 50/- in khultir an ni a. Anni bakah BCM-a Thawktu dangte pawhin an duh chuan siamsak vek tura tih a ni bawk. A validity hi siam ni atanga kum 5 chhung a ni rih ang.
6. **Pay Commission:** Assembly 2013 chuan Pay Commission a din a. Hma la nghalin tum 10 zet thutkhawm a ni. AEC January 22-23.2014 khan report tlangpui pek a ni a, chuta tanga siam that ngai nia hriatte sawilan a ni; Pay Commission chuan ennawn lehin a siamtha nual bawk a, tun Assembly-ah hian pawm turin a rawn thlen a ni.
7. **Mizo tawnga Pathian Thu Zirna**(Jubilee Bible School) buatsaih tura rel tawh chu umzui zel a ni a, Residential a buatsaih turin AEC Aug khan a passed a, hma lak nghal a ni. Tunah hian Hostel tur sak mek a ni. A hmun atan tuna President chenna In bul, Saptui ral chu thlanfel a ni bawk. Class room leh Office lam chu BCM Office Block 2-ah buatsaih peih thlap a ni tawh bawk.
8. **Chakma Kohhran Din Thu:** Assembly-in a rel angin Chakma Baptist Church (CBC) chu tuang leh hlawhtling takin 4<sup>th</sup>.May. 2013 khan Chawngte C (Kamalanagar) hmunah Rev.H. Lianggaia.General Secretary-in a hawng a, Rev.Dr. K. Lalrinthanga AGS Mission, Rev.B. Lalrinawma, Mission Coordinator leh Upa H.S. Lalhmingthanga, Mission Promoter te leh Audio-Visual lamte pawh an kal a. Chakma unaute an phur hle a, Kohhran puitling taka an chhuah thuai a beisei awm.

9. **Baptist World Youth Conference-a kal thu:-** BWYF Conference Singapore-ah July 17-21 khan neih a ni a, kan rel tawh angin Baptist Choir member 22 leh Official 2 + non Official 6 =total 30 te an kal a, chhuanawm takin rawngbawl na an han nei a ni.
10. **Cambodia-a Missionary tirh thu:** Assembly-a rel tawh ang khan thawk tura ruat Rev.J. Lalduhawma leh a chhungte chuan January 2014 thlatir lam khan an awmna tur Phnom Penn khawpui an thleng tawh a, an theih angin hma an la tan mek.

**B. Thu Dangte:**

1. **BCM Head Office-a thawktute chanchin:** BCM Headquarters Office, Serkawna thawk tawh zawng zawng (hriattheih chin) chanchin tawi buatsaih a ni a. Hei hi hralh sum atana buatsaih a ni hran lo. Information atan a ni deuh ber.Lei duh tan erawh lei tur a awm e.
2. **Pension thlah:** Ni 31.Oct.2013 khan kan Office-a thawktute- Rev.H. Sangchema. Rev.Lalthangliana Hnamte leh Upa H. Zadingliana. Asst. Accounts Officer (Deputation-a OS) te chu Superanuation pension in an chhuak a, thlahna hun Office-ah hmangin zanriah kilpui an ni.
3. **Probationary Pastor thar:** Pastoral Committee chuan Assembly-in post a hawn angin Pastor tur mi 5 a la thar a; **Assembly Executive Committee January 22-23, 2014 chuan pawmin 1<sup>st</sup> February** atangin bul tantir an ni a. Ni 9.Feb. 2014 Sunday zing Inkhawmah BCM Biak In, Sethlun ah lakluhna Inkhawm (Induction) neihpui an ni. Chungtechu-

Hming	Khua	Awmna tur Bial
1. K.Vanlalfala.	Khumtung	Bungtlang South.
2. LalhruaiaChenkual.	Salem.Lawngtlai.	Khawruhlian
3. VanlalnghakaJongte	Sethlun.	Chawngte
4. K.Lalmangaihzuala.	Mission Veng, Aizawl	Lunglawn.
5. Lalrammuana	Ramzotlang.	Kolasib

4. **President Bangalow:** Kum 2000 atang khan President hi full-time-a thawk lo turin kan Constitution chuan a siam danglam a. **Pensioner an nihchuan** Quarters pawh pek an ni tawh lo thin a. Amaherawhchu kan Kohhran kal dan leh Hotu inthlan dan atanga tul tihna lian tak avangin President hi Headquarters hmunah awm se, a awmna tur pawh Bangalow type-in enkawl nise tiin AEC chuan a rel leh ta a. President Bangalow tur ruahman chu Administrative Working kutah dah a ni, tunah hian la ruat fel rih loh a ni bawk.
5. **Director, Finance Department:** Nomination Committee-in a aiawha Director ruat turin Administrative Committee chu thuneihna a pe a. Adm Comtt chuan Upa S. Hmingthanga, Mizoram Sorkara Finance Dept-a Addl Secretary retire hlim hlaut chu min pui turin a sawm a. October 2013 atang khan Office-ah hna a rawn zawm nghal a, kan phuisui phah hle.
6. **Special Appeal:** Tul bik thil avangin Kohhranhote hnenah Target baka pek turin special appeal kan rawn siam thin a. Mimal leh Tualchhung Kohhran leh Mission Platinum puala kan appeal siamah Kohhranhote thahnemngaihna avangin mamawh zual phuhrukna tur sum kan dawng thin a. Kohhranhote hnenah lawmthu kan sawi tak meuh a ni.
7. **Vanduaina:** Kan Mission Field lamah Yakhili Academy, Tripura; Mt Olive School, Debitola, Assam leh Mizoram hmun hrang hrangah Thlipuiin kan rawngbawl na Institutions leh Mihring chenna In a tichhe nual a; tin, Saikhumphai In kangte; Laipuitlang Aizawl leimin avanga nunna chan mi 17 zette leh chhiatna dang dangah BCM hminga relief pek a ni bawk. Heng chhiatna hrang hranga tuartute hi kan lainatin kan tuarpui takzet a ni.

**8. Inkhawmpui :** Kan hma lam hunah heng Inkhawmpuite hi kan dawng dawn a ni:-

1. BCM Mission Platinum Jubilee: Serkawnah. Ni 20-23.March 2014.
2. Mizoram Baptist Federation General Conf: Chanmari, Lungleiah Ni 25- 27.April 2014.
3. National Baptist Youth Festival, BCM Serkawnah April 2015
4. NEICC Bieniel Session.2016. (A hun leh hmun hriat rih loh).

**Lawmthu:** A tawp ber atan chuan tlinglo leh chak lo tak chung pawha khawngaih rawngbawl hna min petu Krista leh Kohhran chungah lawmthu ka sawi a. Full-time-a ka thawhpui zawng zawngte leh a hnai zualah Office-a ka rawngbawlpuite nena kan thawhhona boruak nuam tak avang pawhin lawmthu ka sawi a ni.